



# **Agenda 2024**

Cussegl da vischnaunca

**M E S S A D I**

dalla suprastanza communalala al cussegl da vischnaunca

Stimada signura presidenta  
Stimadas signuras cusseglieras  
Preziai signurs cussegliers

## 1. Introducziun

La suprastanza communal ha definiu all'entschatta dalla perioda d'uffeci sia strategia e las finamiras per la legislatura 2021/2024. Per contonscher quellas finamiras ei previu pil davos onn dalla legislatura siat sedutas ordinarias dil cussegl da vischnaunca. Tut tenor diember da fatschentas sa vegnir convocau ulteriuras sedutas extraordinarias. En gliez cass vegness coordinau il termin ensemen cul biro dil cussegl da vischnaunca.

## 2. Termins

Suandonts termins ordinaris per las sedutas dil cussegl da vischnaunca ein planisai:

- Mardis, 23-01-2024
- Mesjamna, 27-03-2024
- Venderdis, 03-05-2024 (quen)
- Venderdis, 14-06-2024 (plan da finanzas)
- Venderdis, 13-09-2024
- Venderdis, 08-11-2024 (preventiv)
- Venderdis, 13-12-2024 (seduta finala legislatura 2021/2024)

La suprastanza communal giavischa da far las sedutas dil cussegl da vischnaunca mintgamai il venderdis sera. Plinavon duei la seduta - sche pusseivel - cuzzar entochen maximalmein allas 22<sup>00</sup> per aschia saver tgirar silsunter il bien spért da cuminonza e guder la buna cumpignia. Las bunas modas d'avon onns astgan senz'auter vegnir mantenidas.

## 3. Fatschentas

Sper las fatschentas ordinarias (quen, plan da finanzas e preventiv) ein entginas da suandontas fatschentas previdas da tractar igl onn 2024:

- Pendicularas Mustér: Concessiun dretg producziun d'energia
- Revisiun parziala planisaziun locala: Definiziun dil spazi d'aua (zonas d'aua)
- Revisiun parziala planisaziun locala: Zona d'explotaziun da crappa Ragisch
- Risposta moziun "Las Ruinas"
- Concept da molocs e credit
- Strategia spazi da habitar (risposta moziun)
- Revisiun parziala planisaziun locala: Habitaziuns zona da mistregn
- Project "augmentar l'attractivitat dil center dil vitg" - credit mesira "Cons"
- Project "augmentar l'attractivitat dil center dil vitg" - credit mesira "casa communal"
- Concept da parcar
- Project e credit sanaziun Via Cons
- Credit per la projectaziun sanaziun ed engrondaziun serenera Raveras
- Revisiun parziala leschas allontanament e purificaziun auas / provediment d'aua
- Revisiun lescha davart l'organisaziun en cass da crisa
- Credit projects fotovoltaics tetg halla Cons e tetg scoletta
- Nova lescha davart igl uorden ed il ruaus public
- Revisiun parziala planisaziun locala: Zona turistica
- Ev. participaziun nova "societad semplia Cadi"
- Credit optimaziun spazi e segirtad casa communal

Ulteriuras fatschentas ch'ei buca numnadas san tut tenor necessitad e prioritad medemamein vegnir tractadas duront ina dallas sedutas dil cussegl ordinarias ni extraordinarias.

## 4. Proposta

Sin fundament dallas ponderaziuns suramenziunadas

### **p r o p o n a**

la suprastonza communalal al cussegl da vischnaunca:

- da prender enconuschientscha dall'agenda 2024 dil cussegl da vischnaunca.

Suprastonza communalal Disentis/Mustér

Il president:

Il canzlist:

René Epp

Andri Hendry

Disentis/Mustér, ils 21 da november 2023